

## **PM Sertai Kayuhan Patriotik 1Malaysia Rabu Depan**

**Bernama**

**28 Mac, 2013**

KUALA LUMPUR, 28 Mac (Bernama) -- Perdana Menteri Datuk Seri Najib Tun Razak bersama menteri kabinet akan menyertai Kayuhan Patriotik 1Malaysia pada Rabu depan di Putrajaya.

Najib, yang memaklumkan hal itu dalam laman Twitternya, turut mengajak rakyat untuk bersama-sama menyertai kayuhan tersebut bagi menyemarakkan semangat 1Malaysia.

"Saya dan menteri kabinet akan sertai Kayuhan Patriotik 1Malaysia di Putrajaya pada 3 April depan. Mari sertainya untuk sama-sama semarakkan semangat 1Malaysia," katanya.

Kayuhan Patriotik 1Malaysia itu adalah kerjasama antara Kementerian Belia dan Sukan (KBS), Perbadanan Putrajaya dan Kementerian Penerangan Komunikasi dan Kebudayaan serta Jabatan Perdana Menteri.

Kayuhan tersebut akan bermula di Menara KBS mengelilingi Putrajaya sejauh 12.5 km.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=938067>